



UNIVERSITÄTS-
BIBLIOTHEK
PADERBORN

Universitätsbibliothek Paderborn

Lignvm Vitae, Ornamentum, & Decus Ecclesiae

In Qvinqve Libros Divisvm. In quibus, Totius Sanctiss. Religionis Divi Benedicti initia; Viri Dignitate, Doctrina, Sanctitate, ac Principatu clari describuntur: & Fructus qui per eos S. R. E. accesserunt, fuissimè explicantur

Wion, Arnold

Venetiis, 1595

Generales perpetui Ordinis Vallis Vmbrosæ. cap. XXXIII.

urn:nbn:de:hbz:466:1-38372

prione, sicut reliquam Urbem, & pene omnem Italiam, labefactam
 etiam conspiceret, inspirante Deo, & studio perfectioris Eremiticæ
 Vitæ captus, ad S. Romualdum toto tunc Orbe celebrem, conuola-
 nit. cuius magisterio cum aliquamdiu usus fuisset, nouissimè ab il-
 lo hisce uerbis dimittitur. Rumpè moras Frater, qui Benedictus a
 Domino Nobilis Profecto, Magnæque Deo Opt. Max. acceptæ no-
 uæ Congregationis iam iam fundamenta iacies. Rumpè inquam
 moras, & in nomine Sanctæ, & indiuiduæ Trinitatis, in uocationem
 tuam incumbe. Itaque tanti Patris Benedictione accepta, in eum
 locum ubi Vallis Umbrosa dicitur iuxta Apenninum secessit, ubi
 idoneo, ad seruiendum Deo, comperto loco, Vallis Umbrosani Or-
 dinis, sub norma S. Benedicti, & habitu Veneti coloris (qui a non-
 nullis Griseus uocatur) quo & nunc utuntur, fundamenta iecit, cir-
 ca Annum Domini 1040. Qui postea in diuersis Italiae partibus lon-
 gè lateque diffusus, ab Alexandro Papa II. Anno Christi 1070,
 comprobatus est.

Generales perpetui Ordinis Vallis Umbrosæ.

Cap. XXXIII.



SANCIVS Ioannes Gualbertus, Florentinus, pri-
 mum Monachus Monasterij S. Miniatis Floren-
 tiæ Ordinis S. Benedicti, Congregationis Clunia-
 censis, deinde S. Romualdi Abbatis Discipulus, &
 Eremita; postremo Ordinis Vallis Umbrosæ pri-
 mus Institutor circa annum Domini Millesimum
 Quadragesimum; ordinem a se fundatum in omni Sanctitate rexit,
 eique Abbas, & Generalis primus præfuit annis plus minus triginta
 tribus: & tandem Miraculorum gloria clarus migravit ad Dominum
 Anno Millesimo Septuagesimo tertio, quarto Idus Iulij: & in Mo-
 nasterio suo Vallis Umbrosæ sepultus est, Canonizatus a Gregorio
 Papa VII. ac demum a Cælestino Papa III.

Beatus Rodolphus Florentinus, ex primis S. Ioannis Gualberti
 Discipulis Abbas S. Petri de Mascheto, deinde eo mortuo, secundus
 Ordinis Generalis creatus anno Domini 1073. die 13. Iulij, præfuit
 Annis tribus, & Mensibus quatuor: Obijt anno 1076. die 12. No-
 uembris, & sepultus est in Valle Umbrosa in Sacello Beatorum.

Beatus Rusticus Florentinus, ex primis S. Ioannis Gualberti disci-
 pulis,

Pulvis, Prior S. Michaelis de Passignano, exinde Generalis Tertius, creatus anno 1076. die 13. Nouembris, præfuit Sanctissime annis 15. & mensibus quatuor: Obijt anno 1092. die 12. Martij, sepultus in Valle Vmbrosa.

Beatus Erizus, siue Ericius, Florentinus, primus S. Ioannis Gualberti discipulus, a quo constitutus est Decanus Monasterii, deinde Generalis Quartus, creatus anno 1092. die 13. Martij, præfuit anno uno, mensibus 10. diebus 28. Obijt anno 1094. die 9. Februarij, sepultus in Valle Vmbrosa. Vacauit Monasterium (si rectè numeri positi sunt) menses Octo.

Florentius Florentinus, Generalis Quintus, creatus anno 1094. die 10. Octobris, præfuit in omni puritate anno uno, & mensibus 2. Obijt anno 1095. die 10. Decembris, sepultus in Valle Vmbrosa.

Almarius Florentinus, Generalis Sextus, creatus an. 1095. die 11. Decembris, præfuit anno uno, mensibus 8. diebus 26. Obijt anno 1097. nonis Septembris, sepultus in Valle Vmbrosa.

Sanctus Bernardus, de Vbertis, Florentinus, Abbas Monasterij S. Saluij exinde totius Ordinis Generalis VII. creatus anno 1097. die sexto Septembris, præfuit annis 35. mensis duobus, diebus 29. Ab Urbano Papa II. S. R. E. Presbyter Cardinalis creatus, postmodum a Paschali Papa II. Legatus Apostolicus, & Parmensis Episcopus consecratus est. Obijt miraculis clarus anno Domini 1133. pridie Nonas Decembris, & in Cathedrali Parmensi sepultus est. Vacauit sedes dies 27.

Sanctus Atthus, Hispanus, verbi Dei declamator insignis, Generalis VIII. creatus anno 1034. in principio anni, præfuit annis 19. mensibus 4. diebus 22. Aliquot ante mortem annis factus est Pistorij Episcopus; Obijt miraculis coruscus anno 1153. die 22. Maij: sepultus Pistorij in Ecclesia S. Ioannis Rotundi. Inde post 154. annos, eleuatus die 11. Iunij, incorruptus inuentus est. Scripsit inter alia,

De translatione capitis S. Iacobi Apostoli, ex Hispania, ad suam Ecclesiam, lib. 1.

Epistolarum ad diuersos, lib. 1.

Gualdus, Generalis IX. creatus anno 1153. circa calendas Iunias, præfuit in omni religiositate annis 2. mensib. 2. diebus 9. Obijt anno 1155. die nono Augusti: sepultus in Valle Vmbrosa.

Ambrosius Florentinus, Generalis X. creatus anno 1155. die 10. Augusti, qui ob singularem uitæ pietatem Florentinus Episcopus

factus est, præfuit annis 2. mensibus 9. diebus 16. Obiit anno 1158 die 26. Maii, & Florentiæ sepultus est.

Martinus Iuris Vtriusque consultissimus, Generalis XI. creatus anno 1158. die 27. Maij præfuit annis 7. mensib. 7. diebus 3. Obiit anno 1165. die 30. Decembris: sepultus in Valle Vmbrosa.

Iacobus Florentinus Generalis XII. creatus anno 1165. ultimo Decembris, præfuit annis 3. mensibus 10. diebus 4. Obiit anno 1169. die 3. Nouembris, sepultus in Valle Vmbrosa.

Tertius, Generalis XIII. creatus anno 1169. die 4. Nouembris, præfuit annis 20. mensibus 7. diebus 23. Obiit anno 1190. die 26. Iunii, & sepultus est in Valle Vmbrosa.

Martinus Bergomensis, Abbas Monasterii S. Sepulchri de Astino, & Generalis XIIII. creatus anno 1190. die 27. Iunii, præfuit annis 16. mensibus 5. diebus 3. Obiit anno 1206. die 29. Nouembris, & sepultus est in Valle Vmbrosa. Vacauit Monasterium diem vnum.

Beatus Benignus, Florentinus, Generalis XV. creatus anno Domini 1206. die Calendarum Decembris, præfuit annis 29. mensibus 7. diebus 17. Obiit anno 1236. die 17. Iulii.

Valentinus, Generalis XVI. creatus anno 1236. die 18. Iulii, præfuit annis 16. & indignum se indicans tanti honoris abdicauit anno 1252. mense Iulio: duobus annis in omni sanctitate superuiuens, obiit anno 1254. die 13. Martii, & sepultus est in Valle Vmbrosa.

Sanctus Thesaurus, Papiensis, Longobardus, familia Beccaria, Valentino abdicante Generalis XVII. creatus mense Iulio anno 1252. præfuit annis sex, mensibus duobus, diebus aliquot. Ab Alexandro Papa III. S. R. E. Cardinalis, Legatusque Apostolicus, contra Guelforum, & Gibellinorum factiones creatus, ab impiis, quod eorum vicia increparet, crudeliter occisus, capitis obruncatione martyrii palmam promeruit anno Domini 1258. die 12. mensis Septembris: Visitur Florentiæ diuersis in locis depictus cum hac inscriptione; *Sanctus Thesaurus Abbas, & Martyr.* Sepultus est in monasterio Vallis Vmbrosæ.

Plebanus, Generalis XVIII. creatus anno 1258. die 13. Septembris, præfuit laudabiliter annis 13. mensibus 10. diebus 26. Obiit anno 1272. die septimo Augusti.

Iacobus II. Generalis XIX. creatus anno 1272. die 8. Augusti, præfuit ut erat uir pius, & deuotus cum omni laude annis 5. mensibus duobus diebus 27. Obiit anno 1277. die 3. Nouembris.

Valentinus II. Abbas S. Bartholomæi de Ripolis, deinde Generalis

ralis XX. creatus anno 1277. pridie Nonas Nouembris, præfuit annis 23. mensibus tribus, diebus 6. Obiit anno 1301. die 10. Februarii.

Ruggerius Buondelmonti, Florentinus, Abbas San. Michaelis de Passignano, & exinde Generalis XXI. creatus anno 1301. die 11. Februarii, præfuit ann. 18. & mensibus aliquot. Obiit an. Domini 1318. die. Sepultus est in Valle Vmbrosa.

Ioannes II. Bergomensis, familia Triuiolo, Abbas S. Sepulchri de Astino, Generalis XXII. creatus anno 1319. præfuit annis plus minus quinque. Obiit anno 1324. die 4. Nouembris.

Benedictus Florentinus, Abbas S. Saluii, deinde General. XXIII. creatus anno Domini 1324. & à Ioanne Papa XXI. confirmatus, præfuit annis plus minus 22. Obiit anno 1346.

Beatus Michael, Aretinus, Monachus, & Eremita Cellarum Vallis Sassinæ, ac Generalis XXIII. creatus anno 1346. præfuit in omni fœlicitate annis plus minus 24. Obiit anno 1370. die 20. Augusti, & sepultus est in Sacello Beatorum Vallis Vmbrosæ: cuius corpus odorem suauissimum respirare uisum est.

Simon de Gauilla, territorio Vallis Arni, Abbas S. Petri Montis Viridis primum, deinde Abbatia relicta, Eremita Cellarum Vallis Sassinæ; postea nolens, ac renitens, Abbas S. Trinitatis Florentiæ; ad extremum Generalis XXV. creatus anno 1370. die 21. Augusti: præfuit laudabiliter annis plus minus 18. Obiit anno 1387. & sepultus est in Valle Vmbrosa.

Benedictus II. de Monte Lucho, ex Abbate S. Laurentii Cultus boni, & S. Michaelis de Passignano, Generalis XXVI. creatus an. 1387. præfuit annis plus minus 13. Obiit anno 1400. Sepultus in Valle Vmbrosa.

Bernardus II. Florentinus, ex familia Gianfigliuzzi, Abbas S. Michaelis de Passignano, & Vallis Sassinæ, deinde Generalis XXVII. creatus anno 1400. præfuit annis 22. Obiit in Monasterio S. Trinitatis Florentiæ, anno 1422. Et sepultus in Monasterio Vallis Sassinæ, ubi quondam fuerat Abbas.

Ricciardus, de Monte Lucho, in districtu Florentiæ, Abbas S. Pancratij Florentiæ, deinde Generalis XXVIII. creatus anno 1422. Præfuit annis plus minus 12. Anno autem 1434. factus Episcopus Massæ ab Eugenio Papa III. officio cessit.

Placidus Pauanellus, Patavinus, Monachus Monasterii S. Benedicti de Mantua, Congregationis S. Iustiniæ, anno 1434. Gener. XXIX. & Abbas Vallis Vmbrosæ ab Eugenio Papa III. creatus: præfuit Cō-

gregationi annis plus minus 13. Et anno 1447. ab Nicolao Papa V. Episcopus Biblæ renunciatus, postea Parentinus, mox Torcellanus, ubi senectute grauis, anno Christi 1466. diem obiit, & ibidem sepultus est.

Per triennium Generalatus Vallumbrosanus vacauit, ab anno videlicet 1447. ad annum 1450.

Franciscus Altouiti, Florentinus, Abbas S. Michaelis Passignani, deinde Vallis Sassinæ, postremo tercio vacantis sedis anno, Christi Domini 1450. Generalis XXX. creatus; præfuit an. plus minus 29. Obiit Guarloni prope Florentiam anno Domini 1479. die 22. Aprilis, & sepultus est in Monasterio Vallis Sassinæ.

Blasius Milanensis Florentinus, ex Decano, Abbas, & Generalis XXXI. creatus anno 1479. die 23. Aprilis: Præfuit prima uice annis plus minus 36. Anno enim 1515. a Leone Papa X. priuatus, & Caietæ in exilium relegatus, ibidem mansit vsq; ad tempora Adriani Papæ VI. à quo anno 1523. in integrum pristinae dignitati restitutus, eodem anno, die 22. mensis Iulii. Romæ in Monasterio S. Praxedis obiit, & inde ad Monasterium Vallis Umbrosæ reportatus, ibidem sepultus est.

Ioannes Maria Florentinus, de Canigianis, Ordinis S. Dominici, Blasio amoto, à Leone Papa X. Generalis XXXII. in eius locum creatus anno 1515. præfuit annis paulo amplius octo: inde Episcopus Hipponæ, & Suffraganeus Pistoriensis factus, dignitati Generalatus cessit, anno Domini 1523.

Blasius, iterum anno 1523. in officio repositus, eodem anno obiit. Quo mortuo Generalatus perpetuus cessauit, factique sunt Præsidentes triennales, quorum Catalogus hic sequitur.

Præsidentes Triennales, Ordinis Vallis Umbrosæ.

Cap. XXXV.



IOANNES Spigliatus Florentinus, Primus Præsidentis Triennalis, creatus anno Domini 1524. præfuit annis tribus.

Clemens à Puppio.

Petrus Florentinus.

Marcus Bartoli Florentinus.

Hilarius Alceus de Empolis, vir doctissimus, & qui studia litterarum

rum